

Agosto, Festival, Patrona...

No mes de Agosto terán lugar os xa tradicionais concertos nouturnos dos Xoves na Praza de Abaixo, o concerto do día 16 na rua San Roque e o III Festival de Bandas (sábado día 23), coa participación de agrupacións foráneas aínda por determinar. Como sempre, a Banda concluirá a súa campaña estival cos concertos de mediodía e de tarde o 8 de Setembro, Día da Patrona.

Tamén en repertorio, durante 1997...

Choral and Rock-Out e
O ciclista feliz, de Ted Huggens
Sete rosas, Alejandro del Río
Memórias de África, de John Barry
e...
A PANTASMA DA ÓPERA, de Lloyd Weber

22 de Novembro, Día de Sta. Cecília

Concerto de Música de cámara

Nadal

AQUI COMO EN VIENA

Obras dos Strauss, como a Polka de Ana e a Marcha Radetzky, e estrea da
CUADRILLA SUIZA E POLONESA,
de M. A. Gilby,
con Antónío Martínez Amor ao violín.

**ASOCIACIÓN
AMADORES DA
MÚSICA**

97



**BANDA
MUNICIPAL
DE RIBADEO**

HERNÁN NAVAL
DIRECTOR

97

A Banda Municipal de Ribadeo ven de celebrar o V aniversario da súa presentación ao público. Fíxoo do mesmo xeito que debutou: en concerto. E con precisión na data conmemorativa: 25 de xaneiro, sábado. 1992-1997. Dos cuarenta músicos iniciais aos máis de setenta do plantel actual. No camiño, concertos en Madrid, en Barcelona, en Murcia, en Lisboa, en Loures e en dúzias de vilas e cidades de Galiza. E o artellamento paseniño e laborioso do repertorio versátil, instrutivo e divertido, culto e popular: música sinfónica, as mellores versións da mellor música lixeira, bandas sonoras, nova música para Banda... O programa do concerto de aniversario e os programas dos concertos de 1997 que se avanza neste folleto, dán boa conta do que dicimos.

A Banda Municipal de Ribadeo, xa Banda Sinfónica, conta grabar este verán o seu primeiro CD. Para a Banda, un novo reto; para o seu público en xeral, e para os sócios de «Amadores da Música» en particular, un novo servizo.

No concerto comemorativo do V aniversario da sua presentación, a Banda Municipal de Ribadeo deu este programa: Polka de Ana / Johann Strauss, Tannhäuser / Wagner, Finlândia / Sibelius, I do it for you / Bryan Adams, Piensa en mi / Agustín Lara, La pasarella di addio / Nino Rota, Agüero / José Franco.

Domingo 23 de Marzo

CONCERTO COA CORAL POLIFÓNICA DE RIBADEO

FinlândiaJ. Sibelius
Panis angelicusC. Franck
Stabat MaterJ. B. Pergolesi
Ave Verum CorpusW. A. Mozart
Jesus bleibet meine freudeJ. S. Bach
Nabucco («Va, pensiero...»)G. Verdi

Sábado 17 de Maio, Dia das Letras Galegas

CADROS DUNHA EXPOSICIÓN
M. Moussorgsky

BAILANDO CON LOBOS
John Barry

97

BANDA MUNICIPAL DE RIBADEO

Tfno. (982) 130 856

PROGRAMA DE FORMACIÓN BANDÍSTICA

Durante aproximadamente vinte días do mes de Xullo levarase a cabo un programa de formación de futuros membros da Banda. Está especialmente dirixido a alumnos de vento e percusión da Escola Municipal de Música. Os máis xóvenes compoñentes da Banda actual participarán como solistas e xefes de corda ou de sección; músicos máis veteranos que están a realizar estudos de grao profesional colaborarán como docentes, mais non tocarán no conxunto infantil duns trinta membros que, en data posterior á realización deste programa formativo, ofrecerán un pequeno concerto con pezas como Lilí Marlén, de Schultze, o Hino á ledicia, de Beethoven, e composicións especiais para banda infantil de M. Carros e de H. van Lijnschooten.

25 de Xullo, Dia da Pátria Galega

Concerto na Praza de Abaixo

MARCHA e VALS LÍRICO
da
JAZZ SUITE n.º 2
D. Shostakovitch

Venres 1 de Agosto

Concerto de clausura das Xornadas «Mar por médio»

ANDANTE SPIANATO E
GRANDE POLONESA EN MI BEMOL MAIOR
F. Chopin

Antonio Queija Uz, Piano
(Transcripción para Banda, Hernán Naval)

CD

Durante o verán, a Banda realizará as sesións de grabación do seu primeiro Compact Disc, cuxa saída á venda prevese para finais de ano.